

**BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA / SREDNJOBOSANSKI KANTON
TRAVNIK**

**MINISTARSTVO OBRAZOVANJA,
ZNANOSTI, MLADIH, KULTURE I ŠPORTA**



**CENTRAL BOSNIA CANTON
MINISTRY OF EDUCATION,
SCIENCE, YOUTH, CULTURE AND SPORTS**

**MINISTARSTVO OBRAZOVANJA,
NAUKE, MLADIH, KULTURE I SPORTA**

Travnik, Stanična 43., Tel./faks.: 030/511-214, 030/518-675, www.mozks-ksb.ba, e-mail: minobsbk@bih.net.ba, mozks@sbk-ksb.gov.ba

Na osnovu člana 33. Zakona o kulturi („Službene novine Srednjobosanskog kantona“, broj: 13/06) i Odluke Vlade o programu utroška sredstava - oblast kulture za 2024. godinu, broj: 01-11.7-1275/2024 od 15.02.2024. godine, Ministarstvo obrazovanja, nauke, mladih, kulture i sporta objavljuje

JAVNI POZIV

ZA SUFINANSIRANJE PROGRAMA/PROJEKTA - OBLAST KULTURE ZA 2024. GODINU

I. PREDMET POZIVA

Predmet poziva je dostavljanje prijava za sufinansiranje programa/projekata iz oblasti kulture, kao i za projekte izgradnje, rekonstrukcije i opremanja objekata u oblasti kulture utvrđenih Budžetom Srednjobosanskog kantona za 2024. godinu („Službene novine Srednjobosanskog kantona“, broj: 01/24) sa pozicija:

- Tekući transferi drugim nivoima vlasti i fondovima - za kulturu;
- Subvencije javnim preduzećima – ustanovama za kulturu;
- Tekući transferi neprofitnim organizacijama - za kulturu;
- Tekući transferi pojedincima – za kulturu i nauku i
- Subvencije privatnim preduzećima i preduzetnicima - za kulturu.

Planirana budžetska sredstva se raspodjeljuju u okviru sljedećih područja kulturnog stvaralaštva:

- a) zaštita i očuvanje kulturno-historijskog i prirodnog naslijeđa;
- b) biblioteka djelatnost;
- c) izdavačka djelatnost;
- d) muzička i muzičko-scenska djelatnost;
- e) likovna djelatnost;
- f) dramska djelatnost;
- g) filmska i kinematografska djelatnost;
- h) muzejsko-galerijska djelatnost;
- i) tradicionalni umjetnički zanati;
- j) izgradnja, rekonstrukcija i opremanje objekata.

II. PRAVO PRIJAVE

Pravo prijave imaju pravna i fizička lica (općine, mjesne zajednice, javne ustanove, javna i privatna preduzeća, neprofitne organizacije – udruženja i pojedinci) koji realizuju aktivnosti iz oblasti kulture i isti djeluju ili provode svoje programe/projekte i druge aktivnosti na prostoru Srednjobosanskog kantona u skladu sa Zakonom o kulturi.

III. POTREBNA DOKUMENTACIJA

Podnosioci prijava obavezni su dostaviti sljedeću dokumentaciju:

- 1) Popunjen prijavni obrazac (preuzeti sa web stranice Ministarstva);
- 2) Rješenje o registraciji od nadležnog suda ili Rješenje o upisu u Registar mjesnih zajednica ili Rješenje o upisu u Registar udruženja Ministarstva pravosuđa i uprave SBK ili lična karta (*pojedinač*);
- 3) Uvjerenje o poreznoj registraciji/identifikacijski (ID) broj;
- 4) Potvrda banke iz koje je vidljiv broj transakcijskog/tekućeg računa i da je račun korisnika aktivan (ne starija od tri mjeseca);
- 5) Finansijski plan programa/projekta;
- 6) Za oblast izdavačke djelatnosti – predračun ili račun štamparije o visini naknade za štampanje knjige i najmanje jednu recenziju od relevantne osobe iz navedene oblasti;
- 7) Za programe/projekte koji se provode u školama dostaviti pisanu saglasnost direktora škole ili nadležnog Ministarstva.
- 8) Pored prethodno navedene dokumentacije podnosioci prijava koji prijavljuju projekte za izgradnju, rekonstrukciju i opremanje objekata u oblasti kulture dužni su dostaviti i izjavu koja sadrži sljedeće stavke:
 - da je/su vlasnik/ci objekta ili ima/imaju pravo upravljanja i korištenja objekta;
 - da je objekat od javnog interesa;
 - da nema zakonskih smetnji za izvođenje navedenih radova;
 - da su osigurali dio sredstava za realizaciju navedenog projekta.

Sve prethodno navedene stavke trebaju biti na jednom aktu, potpisane i ovjerene od strane podnosioca prijave.

Napomena:

Dostavljena dokumentacija treba biti original ili kopija, te numerisana prema popisu navedenom u tački III. ovog poziva.

Prijedlog raspodjele sredstava izvršit će komisija na osnovu propisanih kriterija i isti dostaviti na uvid Ministru. Konačnu Odluku o raspodjeli sredstava donosi Vlada Srednjobosanskog kantona na prijedlog Ministarstva i ista će biti objavljena u Službenim novinama Srednjobosanskog kantona.

IV. KRITERIJI ZA OCJENU PROGRAMA/PROJEKTA I IZBOR KORISNIKA

Posebni kriteriji za vrednovanje programa/projekta za oblast u okviru kojih će se vršiti prijedlog raspodjele sredstava su:

1. zastupljenost u oblasti kulturnog i umjetničkog stvaralaštva;
2. zaštita kulturno-historijskog i prirodnog naslijeđa;
3. brojnost učesnika;
4. tradicionalnost programa/projekta;
5. stepen afirmisanja kulture i tradicije;
6. razvoj kulturnog turizma;
7. način finansiranja programa/projekta.

V. UPUTE O NAMJENSKOM KORIŠTENJU SREDSTAVA ZA 2024. GODINU

Prihvatljivi troškovi pravljanja sredstva su:

- naknade za umjetnike i ansamble;
- troškovi smještaja, ishrane i putni troškovi;
- troškovi pripreme programa: scenografija, kostimografija i drugo;
- troškovi lektorisanja, recenzije i slično;
- troškovi grafičke pripreme i oblikovanja, video, foto i audio sadržaja;
- troškovi tehnike (najam razglasa, rasvjete, instrumenata i slično);
- troškovi postavljanja pozornice i zakupa dvorane;
- troškovi štampanja (plakati, katalogi itd.);
- troškovi nabavke/otkupa/popravke/rekonstrukcije nošnji, nabavka/popravka instrumenata;
- troškovi nabavke i ugradnje građevinskog materijala.

Neprihvatljivi troškovi pravljanja sredstva su:

- troškovi telefona;
- troškovi održavanja bankovnih računa;
- čišćenje i održavanje prostora;
- troškovi plaća;
- izrada i održavanje internetskih stranica.

VI. PREUZIMANJE DOKUMENTACIJE

Svi podnosioci zahtjeva prijavnu dokumentaciju mogu preuzeti u elektronskom obliku na web stranici Ministarstva obrazovanja, nauke, mladih, kulture i sporta Srednjobosanskog kantona (www.mozks-ksb.ba).

VII. NAČIN PRIJAVE

Prijave se dostavljaju, u zatvorenoj koverti, na protokol Ministarstva obrazovanja, nauke, mladih, kulture i sporta ili putem pošte na adresu:

**Ministarstvo obrazovanja, nauke, mladih, kulture i sporta
Stanična 43.
72270 Travnik**

Na koverti obavezno naznačiti **prijava na:**
„Javni poziv za sufinansiranje programa/projekta iz oblasti kulture“
„NE OTVARATI“

Na poledini koverte obavezno napisati naziv i adresu podnosioca prijave.

Rok za dostavljanje prijava je 30 (trideset) dana od dana objavljivanja ovog poziva na stranici Ministarstva.

Programi/projekti koji su dostavljeni nakon isteka roka za prijavu neće biti razmatrani.

Korisnici koji nisu opravdali sredstva u skladu sa potpisanim Ugovorom o namjenskom utrošku sredstava za 2023. godinu neće biti predmet razmatranja.

Za sve informacije i nejasnoće vezano za javni poziv, kontakt telefon: **030/513-271**.

VIII. POTPISIVANJE UGOVORA

Korisnici kojima budu odobrena sredstva će potpisati sa Ministarstvom Ugovor o namjenskom utrošku dodijeljenih sredstava koja će se doznačiti na žiro-račun korisnika.

IX. TROŠKOVI PROGRAMA/PROJEKTA

U postupku poziva Ministarstvo zadržava pravo da program/projekat prihvati u potpunosti, djelimično ili ga u potpunosti odbije, poništi javni poziv ili odbaci sve prijavljene programe/projekte.

Ministarstvo neće snositi nikakvu odgovornost prema učesnicima poziva, niti je obavezno objasniti razloge donošenja Odluke o raspodjeli sredstava za oblast kulture. Dostavljena dokumentacija po javnom pozivu neće se vraćati.

Broj: 04-14-376/2024

Travnik, 29.02. 2024. godine

